



善住秘密隨羅尼在於幢上堂殿上或素氎上或紙帛上或經卷上或墻壁牌版等上有諸眾生暫得眼見者或手觸者或身觸者或影中過者及餘人轉觸此人者又或書之戴在頂上者身上者衣中者或書在出聲物上有聞聲者或讀者或誦者或但聞此隨羅尼名者如是生等縱有一切諸罪等悉皆消滅決定當得阿耨多羅三藐三菩提能於現世獲無量百千功德常得國王王子宰官及諸四眾歡喜敬愛不受世間種種諸苦毒藥刀杖水火等難一切獅子虎狼蛇蟲諸惡禽獸不敢爲害無一切諸盜賊難諸鬼神難諸邪魅難又現身不受一切諸病惡疾瘡毒內外等症悉不著身不爲厭

道藏輯要

三丰全集

準提心經

二五

續集十二  
X X L

禱蟲毒咒詛者身無橫災旣臥安覺安臨命終時心不散亂一切諸佛現前安慰又一死旁生鹿鳥蚊蟲飛蛾螻蟻乃至胎生卵生濕生化生諸有情等聞此隨羅尼名者或身觸或影中過者決定當得無上菩提等又若人於高山頂上誦此陀羅尼者盡眼所見處一切眾生皆得滅一切罪業得離一切地獄業得免一切傍生身上來諸咒藏中各有數本不同皆是前後三藏西天諸國語音有異但依一本誦持無得揀擇實學之者多分受一非除呵斥聖賢寄語後人勿霑斯咎